

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը, ամսաթիվը և ժամը՝ ԳԲՔԱ-ԼՕ-2020/82, 10.07.2020թ. ժամը՝ 13:12

Բողոք բերող անձ՝ «Հակոբ Ռազմիկի Առաքելյան» Ա/Ձ

Պատվիրատու՝ Արենիի համայնքապետարան

Գնման ընթացակարգի ծածկագիրը՝ «ԱՐԵՆԻՀ-ԳՀԱՇՁԲ 07/20» գնանշման հարցում

Գնման առարկան՝ Ագարակաձոր, Ելփին, Խաչիկ, Ռինդ բնակավայրերում ոռոգման ջրագծերի կառուցման աշխատանքների ձեռքբերում:

Բողոքի պահանջը՝ Պարտավորեցնել՝

1. Կիրառել ժամանակավոր միջոց և կասեցնել «ԱՐԵՆԻՀ-ԳՀԱՇՁԲ 07/20» ծածկագրով գնանշման հարցման ընթացակարգը:

2. Չեղյալ համարել «ԱՐԵՆԻՀ-ԳՀԱՇՁԲ 07/20» ծածկագրով գնանշման հարցման ընթացակարգը և վերահայտարարել օրենքի պահանջներին համապատասխան առանց հրավերի 1-ին մասի 7-րդ կետի հայտի ապահովման պահանջի:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Հայաստանի Հանրապետության
գնումների բողոքարկման խորհրդին

Բողոքարկող՝

Հակոբ Ռազմիկի Առաքելյան ԱԶ

ՀՎՀՀ 30933003

Հասցե՝ ՀՀ, Արարատի մարզ, գ. Գեղանիստ, 15փ., 14 տ.

hakobarakelyan88@mail.ru

Հեռ.+37499344489

Պատվիրատու՝ Արենիի համայնքապետարան

Հասցե՝ ՀՀ, Վայոց ձորի մարզ, գ. Արենի, փ. 15, 3 զ.

Գնման առարկան՝

«Ագարակաձոր, Ելփին, Խաչիկ, Ռինդ բնակավայրերում ոռոգման ջրագծերի կառուցման
աշխատանքների ՁԵՌՔԲԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ԳՆԱՆՇՄԱՆ ՀԱՐՑՄԱՆ

ԸՆԹԱՑԱԿԱՐԳ

Ծածկագիրը՝ «ԱՐԵՆԻ-ԳՀԱՇՁԲ 07/20»

<<10>> Հուլիսի 2020թ.

ԲՈՂՈՔ

Պատվիրատուն իր կարիքների համար ս/թ հուլիսի 03-ին հայտարարել է «Ագարակաձոր, Ելփին, Խաչիկ, Ռինդ բնակավայրերում ոռոգման ջրագծերի կառուցման աշխատանքների ՁԵՌՔԲԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ԳՆԱՆՇՄԱՆ ՀԱՐՑՄԱՆ ԸՆԹԱՑԱԿԱՐԳ: Ընթացակարգի հայտերի բացման օր է սահմանվել 10.07.2020թ. ժամը 15:00:

Պատվիրատուն հրավերի 1-ին մասի 7-րդ կետով պահանջել է, որպեսզի մասնակիցները ներկայացնեն Հայտի ապահովում.

7. ՀԱՅՏԻ ԱՊԱՀՈՎՈՒՄԸ

7.1 Մասնակիցը հայտով՝ սույն հրավերով սահմանված կարգով ներկայացնում է հայտի ապահովում:

Հայտի ապահովումը ներկայացվում է բանկային երաշխիքի (հավելված 3) կամ կանխիկ փողի ձևով, որի չափը հավասար է մասնակցի գնային առաջարկի հինգ տոկոսին: Ընդ որում, եթե մասնակիցը հայտի ապահովումը ներկայացրել է սույն կետով սահմանված չափից ավելի, ապա հայտը համարվում է հրավերի պահանջներին բավարարող և ենթակա չէ մերժման:

Կանխիկ փողի ձևով ներկայացված հայտի ապահովումը պետք է փոխանցվի Կենտրոնական գանձապետարանում լիազորված մարմնի անվամբ բացված «900008000466» գանձապետական հաշվին, որը ենթակա է վերադարձման այն ներկայացրած մասնակցին՝ սույն ընթացակարգի շրջանակում պայմանագիրը կնքվելուց կամ սույն ընթացակարգը չկայացած հայտարարվելուց հետո քսան աշխատանքային օրվա ընթացքում, բացառությամբ սույն հրավերի 1-ին մասի 7.3 կետով նախատեսված դեպքերի:

7.2 Գուման ընթացակարգը չափաբաժիններով կազմակերպվելու դեպքում, եթե՝

ա. մասնակիցը հայտ ներկայացնում է մեկից ավել չափաբաժինների համար, ապա հայտի ապահովումը կարող է ներկայացնել ինչպես յուրաքանչյուր չափաբաժնի համար առանձին, այնպես էլ մեկ հայտի ապահովում՝ բոլոր չափաբաժինների համար: Մեկ հայտի ապահովում ներկայացվելու դեպքում, դրա գումարը հաշվարկվում է ներկայացված չափաբաժինների գնային առաջարկների հանրագումարի նկատմամբ: Եթե ըստ չափաբաժինների ներկայացված գնային առաջարկների հանրագումարը գերազանցում է 10 մլն. ՀՀ դրամը, սակայն ըստ առանձին չափաբաժինների ներկայացված գնային առաջարկները չեն գերազանցում այդ չափը, ապա հայտի ապահովում չի ներկայացվում:

բ. Մասնակիցը հրաժարվում է որևէ չափաբաժնից կամ պայմանագիր կնքելուց կամ զրկվում է պայմանագիր կնքելու իրավունքից, ապա հայտի ապահովումը վճարվում է միայն այդ չափաբաժնի նկատմամբ հաշվարկված ապահովման գումարի չափով:⁹

7.3 Մասնակիցը վճարում է հայտի ապահովումը, եթե նա՝

1) հայտարարվել է ընտրված մասնակից, սակայն հրաժարվում կամ զրկվում է պայմանագիր կնքելու իրավունքից:

2) խախտել է գնման գործընթացի շրջանակում ստանձնած պարտավորություն, որը հանգեցրել է գործընթացին տվյալ Մասնակցի հետագա մասնակցության դադարեցմանը:

3) հայտերի բացումից հետո հրաժարվել է սույն ընթացակարգի հետագա մասնակցությունից:

7.4 Հայտի ապահովումը պետք է վավեր լինի հայտը ներկայացվելու օրվանից հաշված 90

(իննսուն) աշխատանքային օր: Հայտի ապահովումը ենթակա է վերադարձման այն ներկայացրած մասնակցին՝ սույն ընթացակարգի շրջանակում պայմանագիրը կնքվելուց կամ սույն ընթացակարգը չկայացած հայտարարվելուց հետո քսան աշխատանքային օրվա ընթացքում, բացառությամբ սույն հրավերի 1-ին մասի 7.3 կետով նախատեսված դեպքերի:

Մենք գտնում ենք, որ վերոհիշյալ պահանջը՝ հայտի ապահովման ներկայացման ներկայացնելը օրենքի խախտում է, քանի որ տվյալ ընթացակարգի համար գումար նախատեսված չի: Պատվիրատուն սահմանել է.

Պայմանագիրը կնքվելու է "Գնումների մասին" ՀՀ օրենքի 15-րդ հոդվածի 6-րդ մասի հիման վրա, այսինքն գնում կարող է կատարվել անհրաժեշտ ֆինանսական միջոցներ նախատեսվելու դեպքում:

Հավելված N 3
« » 20 թ. կնքված
ծածկագրով պայմանագրի

